



Broj: UP-1:04-21-813/23
Goražde, 12.12.2023. godine

Na osnovu člana 124. Zakona o vodama („Službene novine Federacije BiH“ broj: 70/06) i članova 21. i 22. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20 i 63/22), Ministarstvo za privredu Bosansko-podrinjskog kantona Goražde objavljuje *sljedeće*:

OBAVJEŠTENJE o podnesenom zahtjevu za izdavanje Prethodne vodne saglasnosti

Grad Goražde dostavio je Ministarstvu za privredu Bosansko-podrinjskog kantona Goražde zahtjev za izdavanje Prethodne vodne saglasnosti za izgradnju pješačkog mosta preko Podhranjenskog potoka u ulici Salih-bega Kuljuha, Grad Goražde.

Podaci o podnesenom zahtjevu:

Broj zahtjeva:	UP-1:04-21-813/23 od 11.12.2023. godine
Podnosilac zahtjeva:	Grad Goražde
Lokalitet:	k.č. 1493/2, 1492/2, 1491, 1487, 1486 i 4064 KO Goražde I, Grad Goražde
Vrsta objekta / aktivnosti:	Objekat javne infrastrukture – pješački most
Opis objekta/aktivnosti: Grad Goražde planira da izgradi pješački most preko Podhranjenskog potoka u ulici Salih-bega Kuljuha. Usvojeno rješenje nove konstrukcije pješačkog mosta je armirano betonska konstrukcija, raspona 9,30 m. Planirano je da se niveleta mosta podigne od linije terena cca 2 m, zbog uređenja korita Podhranjenskog potoka u skladu sa projektom dokumentacijom „Pod-projekat regulacije Podhranjenskog potoka“. Rasponska konstrukcija je projektovana kao puna pločasta konstrukcija konstantne debljine 40 cm, koja se oslanja na zidove upornjaka a isti se temelje na stopama debljine 50 cm. Na zidove upornjaka se nastavljaju zidovi korita. Na prelazima sa mosta na okolni teren predviđena je izrada stepeništa i rampi za invalide. Napomena: Investitor je uz zahtjev priložio Idejni projekat – Sanacija klizišta – Izgradnja (temeljenje) mosta preko Podhranjenskog potoka u ulici Salih-bega Kuljuha, Grad Goražde, urađen od strane Design&QC d.o.o Sarajevo, septembra 2023. godine, koji zainteresovana lica mogu dobiti na uvid.	

Pozivaju se sva zainteresovana pravna i fizička lica da putem pismenog izjašnjenja dostave svoje primjedbe, prijedloge i sugestije po podnesenom zahtjevu u roku od 10 (deset) dana od dana objave ove obavijesti na web stranici Bosansko-podrinjskog kantona Goražde, oglasnoj ploči Ministarstva za privredu Bosansko-podrinjskog kantona Goražde, oglasnoj ploči i web stranici Grada Goražda i oglasnoj ploči Mjesne zajednice Goražde II, na adresu:

Ministarstvo za privredu Bosansko-podrinjskog kantona Goražde
Ulica Maršala Tita broj 5
73 000 Goražde



MINISTAR

Zijad Briga